



COMUNU DE QUARTU S. ALENI

Progetu finantziau cun su dinai de sa Regione Autònoma de Sardigna cunformas a sa L. 482/99 e a sa L.R. 22/2018.

MONUMENTOS ABERTOS 2022, QUARTU PRONTA A SU WEEKEND INTRE CULTURA E TURISMU

Bator monumentos sìmbulu de sa tzitade e duas itinerari pro intrare a cuntatu cun s'istòria sua e su paesàgiu suo.

Quartu est pronta a abèrrere is ghennas de sa tzitade a visitadores, turistas e fichetes chi in su fine chida imbeniente, paris cun is matessi cuartesus ca bolent torrare a iscobèrrere sa tzitade pròpia, ant a partetzipare a s'edizione noa de Monumentos Abertos.

Duos giassos in tzentru tzitade e unos àteros duos subra de su litorale, unu bilanciamento perfetu pro unu poker de monumentos chi marcant s'istòria de Quartu, de su perìodu nuràgicu a s'era moderna: Ischit Dom'e Farra, s'Ex Monte Granatico, su Nuraghe Diana e sa Villa Rumana. E posca is itinerari, intre is fortinos de sa Segunda Ghera Mundiale e a su Parcu de Molentargius, cun escursiones a pees e in trenino. Cultura e turismu chi devenint realidade fintzas gràtzias a sa partetzipatzione de voluntàrios, istudiantes e assòtzios medas.

A su Nuraghe Diana, in Localidade Baia Azzurra - Is Mortòrius, at a èssere possibile partetzipare a is bisitas ghiadas a cura de s'archeòloga Patrizia Zuncheddu cun sa partetzipatzione de s'Istitutu Tènicu Cummertziale e Industriale Levi. A sa Villa Rumana (localidade Santa Andrea) is bisitas ghiadas ant a èssere imbetzes asseguradas da s'Assòtziu Tzitudinàntzia Ativa Oikos. S'ant a ocupare de s'istòricu abitòriu de Ischit Dom'e Farra, in bia Umberto 1, is pitzocos de s'iscola mèdia de bia Turati, chi fàghent capu a s'Istitutu Cumprensivu N. 1, cun sa collaboratzione de is assòtzios Tzitades de Quarto 1928, Nodas, Bosis Campidanesas e Fèmminas, mentras in s'edifitziu Ex Monte Granatico de bia su de XX Cabudannis 20 s'acasàgiu at a èssere in cura de s'Istitutu cumprensivu N. 2, cun sa collaboratzione de s'Assòtziu Adobiet Musicales.

Subra de su chirru mancu de s'ala arta de bia Pitz'e Serra, in is campos intre is iscolas Brotzu, Levi, Giua e su lagu artifitziale, s'agatant is fortinos de su Simbirizzi, chi torrante a artziare a sa Segunda Ghera Mundiale; in is giassos evidentziados in su stradàriu sunt in programa bisitas ghiadas a cura de s'Assòtziu A.S.S. Fort e de su Comitadu de Bighinadu Margine Rosso, ma is visitadores s'ant a pòdere

giùghere a discretzione pròpia fintzas in is fortinos non presidiados. Agatende·si a su tzentru de unu sistema integradu de parques, su territòriu de Quartu est ricu de atrativas ambientales e naturalísticas: is itinerari a su Parcu de Molentargius prevident escursiones a pees cara a su Bellarosa Majore e versu s'Ecosistema filtru pro assistire a s'inanellamento de s'avifauna de passu, ma fintzas in trenino elètricu pro bisitare sa Marina Fòssile.

Is monumentos ant a èssere visitàbile in donu, sàbadu 28 de is 16.00 a is 20.00 e domìniga 29 de is 09.00 a is 13.00 e de is 16.00 a is 20.00. Pro sa bìsita a is giassos si cussìgiant bestimenta e sabatas còmodas. Is bìsitas a is crèsias ant a èssere suspesas durante is funtziones religiosas. De su primu maju 2022 in is logos de sa cultura e de s'ispetàculu no est prus netzessàriu ammustrare su green pass. S'impreu de is aparatos de amparu de is bias respiratòrias no est prus obligatòriu, ma in is logos a su serradu si sugerit comente si siat de bestire sa mascheredda a su mancu de tipu chirùrgica.